



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitulum VI. Iurauit.

---

[urn:nbn:de:hbz:466:1-62587](#)

quod judicis notitiam excedit, tunc peritos in ea re accersere debet, eorumq; judicium cum credulitatis juramento requiri. Ita sumitur ex hoc c. &c c. Fraternit. l. i. ff. de Frigidis. l. i. ff. De infiicio ventre. Ceterum si ex parte consensu vtriusque periti adhibeantur, ad discernendum, tunc eorum juramentum necessarium non esse, tradit Felin. hic n. 9. vbi alios quoque casus recenset, in quibus juramentum peritorum non requiritur.

Querunt huc DD. si lex requirat duos vel plures peritos adhiberi, & in loco tantum vnu adsit, vtrum alij aliunde aduocari debeat. p. Cum Panorm. hic n. 6. Judicis arbitrio esse committendum, vtrum considerat qualitate cause, vnius judicium sufficere possit, juxta Authent. de non alienandis rebus Eccles. §. quod autem & tradit Bartol. in cit. l. i. n. 6. Decius hic n. 10. Imola n. 5. Sin autem causa ardua sit, vt vni credendum non videatur, præsertim si pars litigans petat plures aduocari, tum id fieri debet, vti monet hic Panorm. n. 7.

## CAPITULUM V.

## Tertiò.

## PARAPHRASIS.

Canonicus Regulatis amico suo sub sigillo Conuentus alienationem fecit reu Ecclesiæ immobiliū: cùm id instrumentū exhibitum esset in judicio, Procurator Monasterij dixit non esse cum Conuentus consensu factum, atq; sigillum adulterinum vel furtivum esse, atque ad hoc probandum introduxit fratres, qui jurati dixerunt, quotiescumque de hac alienatione mentio facta fuit, conuentum contradixisse, & quia aduersus hæc testimonia pars aduersa nihil probauit, id est Clemens III. rescribit secundum dicta testimonia fratrum esse judicandum.

## SUMMARIUM.

1. In causa sue Ecclesia Clericus etiam vel Religiosus potest esse testis.

2. Excipiens contra aduersarij instrumentum, ex eo quod dicat, sigillum adulterinum, aut furto sublatum esse, admitti debet ad probandum.

**N**ota I. Clericus vel Religiosus potest esse testis in causa Ecclesie sue, ita habetur infra c. Insuper. 6. de Testibus. Hoc loco difficultas est, nam hi testes videntur fuisse singulares, & id est non sufficietes ad probationem faciendam. Arg. c. Cùm Dilectus. 32. De elect. p. Non fuisse singulares, sed contestes, quia singuli testificabantur de eodem facto, videlicet communī contradictione seu reclamatione Conuentus, sed casus dicti c. Cùm dilectus, diuersus est, nam ibi suffragia in secreto data fuere, & id est Canonici testari non poterant, nisi de singularibus suffragationibus, ita ut quisque ipsorum diceret, se in elecētum non consenseret.

**Nota II.** Contra instrumentum in judicio productum aduersarius excipere potest, sigillum esse adulterinum, id est, vel factum secundum imitationem, vel furto sublatum, & ad alterutrum horum per testes probandum admitti debet. c. Cùm Ioannes. 10. De fide instrument. Et verò talis probatio fieri potest, non tantum directè ostendendo fraudem, sed etiam indirectè, videlicet reclamatione fuisse à Conuentu, v. g. ne fieret, instrumentum Conuentus nomine productum, esse supposititum.

## CAPITULUM VI.

## Iurauit.

## PARAPHRASIS.

Titius jurauit se Caiam ducturum in uxorem, & cùm vellet eam ducere, seu verbis de Præsenti contrahere, quidam opposuerunt se, juramentis secundum modum editis, quod illi in quinto Consanguinitatis gradu coniuncti essent, quorum testimonia jurata depositiones cùm publicatae essent, alias testis accessit, qui probare voluit, nullo illos consanguinitatis gradu junctos esse, dubitauerat judecēt.

dex vtrum iste auditio deberet, ad hoc respondit Clemens III. standum esse probatione testium priore.

## SUMMARIUM.

1. In casu, quo Index post factam denuntiationem ex officio procedit, per viam inquisitionis, potest denuntiatus postmodum esse testis.
2. Postquam in causa conclusum est, alij testes super eisdem articulis ordinariè recipiendi non sunt; nisi anima periculum vertatur, aut vitium sententia per partem non sit remissibile.

I. **N**ota I. Qui crimen vel impedimentum matrimonij judici denuntiat, potest deinde adhiberi, vt testis, sicuti colligitur etiam ex c. In omni. 4. de Test. Debet tamen id intelligi, si judex ex officio per inquisitionem procedat, non item, si denuntiator litem prosequi velit, cum non possit idem esse accusator, aut litis promotor, & testis, sicuti pluribus allegatis bene notauit *Decius hic Not. 4.*

2. Nota II. Si publicatis testibus conclusum sit in causa, alij testes super eisdem articulis recipiendi non sunt, sed sententia ferenda secundum testium priorum depositum. Ita gl. hic verb. *Partibus.* & habetur etiam in c. *Fraternit.* 17. de testibus. Ratio dari debet, quia partes per conclusionem in causa censemur renuntiasse probationibus, igitur ad nouas super eisdem articulis admitti non debent, ordinariè loquendo. Consequenter ubi haec ratio cessat, quia partes non possunt probationibus suis aut defensionibus renuntiare propter anima periculum, in eo casu dicendum est, quod etiam post publicatas attestations, imo etiam post latam sententiam testes aliaeque probationes recipi debeant, vt in casu c. *Series.* 26. de testibus. si agatur de impedimento matrimonij contracti, vti notauit *Hofstiens.* ibi. & gl. hic, & DD. communiter, quando aiunt, quod ubi periculum anima vertitur, sententia non censemur transire in rem judicatam, propterea quod in tali casu vitium sententiae non sit per partem non appellantem remissibile, vt ait *Imola* hic n. 4. *Panorm.* n. 5.

& sumitur ex c. *Lator.* 7. *derejudicata.* Imo etiam si ageretur de impedimento matrimonij contrahendi, & post publicationem testium ex vtraque parte producitorum, unus sponsorum nouos testes producere vellet, ad ostendendum impedimentum, audiiri deberet, propter anima periculum, si matrimonij inter impeditos seu inhabiles contrahatur. Contra hanc tamen doctrinam communiter traditam sentit & obicit *Decius* hic n. 6. in causa capitali, si crimen probatum sit, vel Reus confessus, sententia latam transit in rem judicatam. Arg. L 1. §. ult. ff. de question. & tamen vitium seu iniquitas sententiae non est remissibilis per partem, videlicet Reum condemnatum, cum non sit Dominus membrorum suorum. 1. *Liber homo.* 27. ff. ad legem *Aquiliam*, consequenter juri defensionis suae renuntiare non potest. R. hoc argumento conuinci, quod Reus post latam sententiam ultimi supplicij aut mutilationis, semper audiiri debeat super defensione suâ, si probabiliter existimari possit, eum malitiosè non agere, sed innocentiam verè demonstrare posse. Et ad L 1. §. ult. R. ex eo loco potius contrarium colligi, vti gloss. *Marginal.* notat, & Bart. ibi. n. 4. quod videlicet Reus in causa capitali, etiam postquam conclusum est, audiiri debeat, si innocentiam suam ostendere velit; sed neq; latam sententiam condemnationis judex exequi debet, si de innocentia Rei postea constiterit, quamvis in dicto §. dicatur, quod non ipsemet judex inferior, qui tulit sententiam, rescindere debeat, sed causam (tanquam arduam) ad principem deferre. Interim verum est, quod judices propter presumptionem, quam habent contra Reum legitimè damnatum, reuocationem eius post confessionem aut latam sententiam plerunque attendere non soleant.

## CAPITULUM VII.

### Post cessionem.

## PARAPHRASIS.

Ait hoc c. *Innocentius III.* cum ipsi ex  
ff 3 literis